

罪
惟
錄

罪惟錄傳卷之十二上

致命諸臣列傳總論

觀太祖之葬元福壽而祠余闕也。為之頌首稽上者。幾獨封徽箕表比干。初非次於系者。漢斬丁公。後世高其義。獨代死紀信。不聞厚卹。明於勝國。猶急賞其大節。則於諸啓運殉義。寧復與報。蓋以教後世之為人臣者。切矣。明殉義于讓皇烈皇。兩朝最盛。古無方埒。凡悍然死。因所屬而。死。因緣所事而死。非有必死之意。乃不肯生之義。俱曰適然。不錄。非不錄也。所以嚴錄之者也。其若諫而死者。意在諫也。不以死例。凡死國死職死事。死志其所遇不同。而致。

身則一負重望持絕續。與天爭命。是為死運。蓋有闕正聞
者。另一格在抗運傳中。至於國亡。身亡。君亡。與亡。不成國
不成君。而必與偕亡。得附國亡。與亡。君亡。與亡。之例。曰。死
國受官。不欲曠其官。即不受官。務官之事。不去。曰。死職。曰
死事。匹夫婦無死之責。與夫讀書庠序。未嘗受祿。可以無
必死之名。而必請其志。曰。死志。吾以降死運者。一等。歷朝
無遺卹。但有疑卹。搃之褒忠之義。大昭嗚呼。毅。廟。蓋。以。身
教。也。夫。

致命諸臣傳上

張天祐

郭元帥

系世傑趙忠劉成崇茅成

張天祐濠州人。母為滁陽王夫人。有才力。用事行間。每與

太祖光浚。宋林兒來招。諸將謂天祐曰。公有度。餘以此衆

獨當。元不敗乎。否。姑就之。遂與郭公子等往。以其都元帥

右左副元帥命。歸送渡江。至正乙未。被元集慶路降將也

先中叛。與元御史大夫福壽拒戰秦淮。敗績。都元帥郭甲

右副元帥天祐陳歿

系世傑。巢縣人。元至正戊戌。同俞廷玉廖永忠等以水軍

來濟時屯黃墩。同黨趙普勝中叛。謀不利。太祖世傑洩其

許於華高。以聞太祖。恐諸部意解。詭言取兵和陽。合攻海牙。寔以兵勢壓萊湖軍。得歸。普勝走依天完。世傑從渡江。歷功判行樞密院事。戰周江陰之屯。牌陷陣死。追封永義侯。配享太廟。肖像功臣廟。子敬以父蔭都督僉事。從征洪武二十二年。歷功封徽先伯。弘光初。追謚世傑忠烈。趙忠從渡江。取太平。大破海牙兵於江口。隨克集慶路。太祖定都。以太平為腹肱。命忠為興國翼元帥守之。未幾擢興國分院判。從克池州。得糧幾萬石。陞樞密院判。鎮池州。至正戊戌。漢趙普勝自樞陽來寇。忠戰殲於陳。養子王

鼎葉職。

劉成靈壁人。從太祖立功。由百夫長陞總管。同耿炳文等克長興。以副元帥協守。寇不敢犯者四年。至正辛丑。周以十萬衆來侵。嬰城固守。成開西門擊敗之。擒其將宋元帥等。連至東門。敵反兵力戰。援不繼。陳瑄副將李崇亦戰死。詔贈成懷遠大將軍。立廟長興。歲祀之。

茅成定遠人。從和陽。隸常將軍麾下。克太平。授萬戶。定常州。寧國。陞總管。克徽州。陞副元帥。守金華。改太平興國。翼元帥。從克安慶。援安豐。戰鄱陽。克武昌。遷武德衛正千戶。陞指揮副使。取贛州。安陸。襄陽。泰州。皆有功。調征浙西。克舊館。至正乙巳。圍平江。戰死。贈鎮國上將軍。僉大都督府。

胡深

胡深字仲淵，浙龍泉人。穎拔有智畧。涉獵子史百家。及天官術數之書。父鈺任元行省員外郎。深或談兵甚奇。父警之曰。才雖敏。智在識主。及父使高麗歸。卒奉喪南還。元末兵亂。嘆曰。浙水東地氣盡白。禍將及矣。結鄉里自固。石抹宜孫辟參軍事。募兵旬日。得數千人。引屯竹口。會温州韓虎等殺主帥。據城叛。深請身往諭之。軍民服深長者。伏地泣曰。吾屬氣不靜。一聞至此。正無處乞生。遂以城降。時龍泉盜賊深師王毅以師執害教者窮其穴。移攻遂昌賊守者出戰。深望見笑曰。不聖壁乃求敗。以正陣接戰。奇兵

夾擊之。別遣遊兵搗其伏。賊大敗。生擒八百人。太祖既下
婺衢。獨處州不附。時深守龍泉。上遣已降葉琛諭深禍福。
深奉處下邑四來歸。太祖素聞深。擢左司員外郎。深語參
政胡大海曰。處無聞志。內尋干戈。亟擊勿失。大海遂與耿
再成合進。敗石抹宜孫。處州下。還集舊部。徙平江西。守吉
安。尋總制處州軍民事。請寬盜稅二十取一。商販大集。以
沒入庄田代租。軍興足而民不苦。諸全守將謝再興叛。誘
周兵犯東陽。深引兵合援。走之。深曰。諸全浙東屏障。今失
險。請急築新城。玉指山下守之。旬日而成。無何。周將李伯
昇大舉入寇。城堅不可拔。敗去。太祖以為深功。賜之名馬。

温州方明善取平陽。出偏師復之。并復瑞安侵地。遂攻温州。方國珍惧。請納歲幣。乃還師。太祖即吳王位。與朱亮祖合攻閩。取浦城。崇安。建陽。元陳有定帥銳卒。逆我師。深以氣急。未即戰。朱亮祖迫之。破其二柵。敵悉銳圍深。數日。暮。深率精騎突出。伏起。馬蹶。見執。有定懼。不敢害。深諭錢鏐故事。詞義侃。會元使至。督促。乃見。赦。追封縉雲郡伯。深知識絕倫。藝術無不精曉。個儻好施。予取衆一以寬厚。用兵十餘年。未嘗妄戮一人。上常與宋濂議。胡深文武才。浙東一障。比伐閩。日中有一黑子。劉太史監。奏東南必失一大將。亟使諭之。深已被害。弘光中。追謚褒節。

論曰。縉雲之學。彷彿誠意。獨誠意不與明對仗。偶然耳。
誠意果獲。逆帖里之請。亦豈不以一矢遺亡。九首顧觀。
天最早。遠過縉雲。而深。心。鈺。智。在。識。之。一。語。則。已。不。後。
青田。鈺。在。當。無。恭。軍。石。持。之。事。矣。

縉雲之學。彷彿誠意。獨誠意不與明對仗。偶然耳。誠意果獲。逆帖里之請。亦豈不以一矢遺亡。九首顧觀。天最早。遠過縉雲。而深。心。鈺。智。在。識。之。一。語。則。已。不。後。青田。鈺。在。當。無。恭。軍。石。持。之。事。矣。

張德勝

汪興祖家
義水題志

宋國興

妻曹

張德勝字仁甫合肥人才畧豪邁沉毅剛決元末結寨巢

湖與同事俞廷玉等以舟師來歸時德勝弟後賜姓袁義為趙

普勝所留不得從德勝以萬戶渡江取太平擒陳也先摧

晉軍總管渡擊破方山徙取集慶克鎮江陞秦淮翼元帥

從下常州宣州再陞僉樞密院事從下宜興天完普勝陷

池州進擊敗之柵江口沒池州統畧太湖至馬迹山降周

將王貴後從取安慶夜襲普勝浮山砦追斬偽叅政郭太

于沙河漢友諒犯龍江伏兵大敗之降其將張志雄等追

至采石殄於陣贈祭國公諡忠毅侑享太廟子宣幼養子

同嗣職及宣長上命宣嗣為中軍都督僉事坐累降神策
衛指揮同知以廬州衛世襲弟素義初隸馮力趙勝即普及
趙死來歸積功陞僉典武衛指揮事北征山陝嘗有勞陞
典元衛同知洪武五年統兵下海征倭十四年從征河南
有功明年鎮楚雄力禦鹵、遁加楚雄衛指揮入朝上惜
其老命太醫院為染其鬚髮俾四撫治以威遠人陞右軍
都督僉事卒子聚藤指揮使先是養子同復姓名為汪興
祖業入嗣職後從擄漢安慶克江州進拔蘄州從取南昌
敗張士誠之兵於安豐鄱陽之戰與祖等六人深入搏戰
擢湖廣行省參政武昌平還攻廬州克之陞督府副使克

淮東平吳陞同知督府從大將軍北征取山東州縣樹聖公
希學等謁軍門興祖禮遇之洪武元年立皇太子兼領右
帥府事從克汴梁遂濟寧取元都狗未平下山西收大同
即命為守禦克武朔為晉王府武傅兼山西行督府僉事
三年封東勝侯弗與詰券令自竄圖寔封從將軍友德克
階文蜀平章丁世貞據險距我興祖躍馬直前中飛石死
時文州沒陷守將珠顯忠死之以興祖攻王事授原封侯
爵世券子幼以所賜田五頃令與宣同居顯忠亦預御典
弘光中追贈勝國公諡武愍

宋國興定遠人從渡江每戰跳盪先登歷功授總管洪武

元年太祖戰陳桂先南慶兵却國興年十八請出關太祖壯其氣解白龍袍衣之與常遇春馳突敵陣敵誤袍以為太祖攬執仆之被執見執贈西寧侯國興妻曹聞之亦赴并死弟晟嗣侯晟子瑄弘光中追贈如父侯謚果節論曰張合肥宋定遠此從龍最先戰歿者也德勝有弟有子國興有妻皆足以傳不負張與宋

花雲

妻御代侍見孫氏朱文遊

耿再成

朱文

剛

而

為

軍

花雲、懷遠人。少孤。從母嫁張氏。貌偉幹而鬚黑。驍勇絕。元至正癸巳，仗劍謁臨濠。太祖奇其才，所至輒克。破懷遠城，圍其帥以歸。拔全椒，夜襲繆冢寨，會取滁州。雲獨從。太祖先諸隊猝遇賊數千，雲舉銳翼太祖，疾策馬貫陣，定。衆警曰：「何來黑廝！」勇莫當。甲午，遂取和陽，授白雲，送渡江，克太平。充宿衛，下集慶，陞總管。狗鎮江諸縣，過馬馱沙，剽盜數百，遮道雲行，且聞。三日夜，皆擒殺之。圍常州，拔之。拜太平樞密院判，克常熟，獲辛萬餘。從攻寧國，先登。庚子，漢友諒既破安慶，以升師圍太平。急，雲以安遠大將軍守太平城。

卒止三千人不足戰。賊勢決雲守固賊不得入。城西南隅下瞰姑溪。敵侵舟尾。緣堞上城。陷縛雲。并縛太守許瑗。雲起奮身大呼縛盡解。縱奪左右。乃馳擊殺五六十人。賊怒。攢碎其首。懸舟檣。衆射之。雲至死罵不絕。年三十有九。追封東丘郡侯。弘光中。追謚忠毅。瑗別有傳。妻卞氏。孀侍兒孫。曰城破將軍。度必死。國妾亦必死。將軍而抱哺我三歲兒。毋令花氏無後。於是踴身赴水死。孫抱兒送漢軍。行到九江。軍令棄兒水中。不肯。欲殺之。孫伴諾乘間涉水寄兒。漁家脫簪珥。令善視之。後歸軍。及友諒戰敗。孫脫往漁家視。此故在員以走。夜宿陶穴中。且儼舟渡江。而為敗軍奪舟。

去棄之江中。孫抱兒遇柳木浮入葦中。採蓮實哺兒。七日不死。夜半聞有人呼之一。皓首自稱雷老。扶與俱行。達上所。泣置兒於膝。曰將種也。賜雷老衣。呼不見。上嗟異。兒八歲。賜名煒。侍皇太子就學。年二十。授水軍左衛指揮僉事。偕孫氏至太平。奉卽崩骨來草像。雲。奠上元縣世廟。初。其五世孫指揮僉事。請於朝。卽氏贈貞烈夫人。孫氏安人。立祠致祭。時有元帥朱文遜。與雲同難。文遜太祖養子也。累功擢元帥。嘗從秦。友諒攻無為州。克之。協守太平。拒賊戰死。

耿再成字得甫。泗州人。元至正癸巳。來歸。立功泗。滁。和陽。

集慶鎮江、陞元帥守鎮江、改守揚州、以軍興為要害、數當
周寇、令再成守之。上取金華為前鋒、守慶州、石抹耳孫犯
境、擊敗之。耳孫走死。先是軍行、徵私粟民間、號啜糧、畏莫
敢言。再成曰：民飢死矣。軍胡為者？白於胡恭政大海、罷免
之。嚴戢部下、招撫流亡、稱貴將。陞院判。苗將李佑之、賀仁
德叛、應金華再成方與客飯、聞變、上馬收卒、不滿二十人。
迎賊于揮劍、連斬數槩、兵不繼。賊亂墜馬、騰擲罵不
絕口。總制胡深收其屍、業業之、贈高陽郡公。謚武壯。子天
璧、方奉命起發、苗兵入京、未至、聞變、急收父舊部討賊。而
朱文忠已破賊、斬之矣。天璧襲父職、仍守慶州。禦方張二

寇有功。陞荊勝指揮副使。敗陳友定。從下杭州。陞指揮同知。世襲兩廣平。調回。從征襄陽等處。移鎮西安。招諭河州。臨洮。皆下。改杭州指揮同知。洪武七年。捕倭外洋。舟沉。死。又朱文剛。太祖養子也。不名。柴舍。歷功陞元帥。克虔州。與耿院判協守。聞變。不及上馬。猝遇害。贈鎮國將軍。附祭功臣廟。同難。總制孫炎。別有傳。

論曰。外以巨敵。卒不能勦。內以間起。卒不改旣。花安遠。耿院判。兩以從著。然未足盡其才。顧孫之生。不弱部之死。而天璧亦附。又從。先父。

熊鼎

熊鼎字伯穎，臨川人。元末，鄉薦入試禮部，奇不見錄。漢友諒禮致之，不應。鄧將軍下江西，聞其賢，聘至，不受官。留愈，府參軍事。毋憂，既葬，上徵與諸儒據作公子書，以訓貴戚子弟。授德清丞，召議禮儀。吳元年，除中書考功博士。遷起居注。時上精求禮樂之事，懸樂器於庭，令翰林學士朱升審辨聲聲。升首上欲置升吏，鼎曰：石音難辨，自古而然。唐虞唯后夔能和磬聲，下此未及。因言樂自性生，人君能致中和，則萬民和，萬物和。然後乃言樂也。上怒解，則新行赦矣。會廣信報茶稅失寔，促御史往廉狀。丞相善長諫不聽。

禹與給事中尹正進曰。乃以細故而煥御史。按問乎夫大信。且繫國威。上良久曰。止之。浙西運糧餉師。率五石致一。禹曰。金陵何所食。浙西而柰何。令重用。上悅。更詔之。代中。即大位。允更創諸典。多所預聞。立浙江按察司。以為食事。分部台。溫郡。善旱。至輒雨。民喜曰。此熊使君雨也。是時經才氏竊據之後。偽官悍將。迭為民患。禹出奇計。籍遷江淮之間。溫有邪師。自號大明。教飾殿堂。拙麗。鴛民無算。奏數之。而中朝使者。以事至郡。多挾娼佐飲。有司罷於供應。禹下永嘉令。籍倡戶數。和捕送之京。平陽州社吏目。誣事發。妄連知州梅謚。民數百遮道爭之。禹歎曰。吾不令。我收。

無罪釋謫以情聞。寧海強民陳德仲以怨察支解黎異死
冤久滯。昂方閱牒。忽有青鞋躡案不去。若有所告。昂祝曰。
吾得真結異者。姓乃去。唾果。住數日。及逮德仲。至乃去。訊
得寔。抵異有故。校奪民妻五年矣。昂攝至。校抱二兒泣曰。
還妻。二兒飢以死。昂命置兒妻傍。兒哇不歇。鞠之果也。人
子論如法。於是所轄管軍者。一夜遣人妻數百。改治濟南。
論罷州縣貪私數十輩。六郡肅清。時河北甫下。濟南宿重
兵。嘗潛縱火名救火掠且盡。昂庀火具嚴保伍。即火坐
故縱火患乃息。陞其省副使。洪武三年。拜晉王右傅。會徙
邊徵祿差入內。中道散事。連昂左遷大同衛知事。後召授

經秦王令為皇太子說書上問春秋諸侯王幾何禹不能對上怒改刑部主事奪其俸八年西戎朶朶只把內附出禹為岐寧衛經歷禹計西戎終必叛上書謂西京岐寧漢唐內地不可棄朶朶只把非有歸向之誠余急之則遁得其地而無民緩之則恐羽翼既成漸至跋扈宜稍給種糧撫其遺民以良將參守之上覽奏歎曰熊禹故不遠九年遣中官趙成徵還次西涼打班驛遇朶朶只把叛兵擁之北行禹持議禦上與成等皆遇害又白源為鞏州知州蒞政廉勤自奉薄除夕以蔬食薦其先人澹如也信州盜朶朶只把下力不敵赴水死

論曰。然伯穎聞國循良選也。即不迂。不宜是置之。源則
迂矣。

王禕

字子充

浙江義烏人

元至正中

詣關上書

八千言

不報。隱居青巖山。禕長身山立。儼不可即。術士齊琦見而恠

之。引問曰。公偉器。似從異代為功名。禕私自負。及上克葵

州。徵禕。大亂極而聖人出。琦言在是矣。署中書省掾

上。每稱子充不名。曰。學問博。不過瀟才思雄。不過禕。兩人

皆以文墨見知。領禕。頗稱任用。辛丑。江西平。獻碩。出試儒

學。提舉司校理。陞侍禮郎。兼引進使。轉起居注。出知南康

府。經輯有功。上即大位。召入議。札忤旨。改漳州府判。瀕行

疏辭。大指忠厚。以存心寬大。以立政一語。頗寓規切。尋修

疏辭。大指忠厚。以存心寬大。以立政一語。頗寓規切。尋修

疏辭。大指忠厚。以存心寬大。以立政一語。頗寓規切。尋修

元史召還與朱濂同為摠裁。禘史事擅長。裁繁剔穢。力任
筆削。書成拜翰林特制。同知制誥。兼國史院編修官。洪武
三年預教大本堂。經明理達善開導。奉使吐蕃。尋召還。五
年。往諭雲南元梁王把匝剌瓦爾。既至。王疑不奉詔。禘抗
言曰。足下不忘漢北。矢心萬里。孤傲已見。諒于天下矣。而
所以為故君謀者。則吾不知。天不祚元。拱手中原。絕幕遺
魂。仰恩日月。種酪如故。皆我殊恩。而足下以為芥鐵。亦將
違恩沒燭乎。足下不過恃林箐深邃。夏多霖雨。地氣蒸鬱。
入其境者。或難持久。然則果欲驅羅、之族。出與江上爭
一旦之命乎。但閉壁也。尔木甯于大道人事之故矣。此者

草竊爭雄。名為帝子。不下數十。而天命有歸。次第殂廢。且
也。亭羅內難。張李儒張以擴廓之才。不免束手。天非夢
大略已見。而我之所以會獵于滇者。足下未知之乎。永寧
一平。坐塞烏撒。鞅普定。而挫曲靖。襟喉一撤。足下即何以
為大理籌矣。果欲延息。以不廢故元。歲臘一杯羹。其貴識
時。比于錢寶。亦可數世善敗之機。惟足下裁擇。梁王猶豫。
數日不答。禱復以大義責之。有曰。龍驤鷁艦。會戰昆明。悔
無及矣。梁王頷其臣。咸失色。歛容謝曰。使者且休。為改館。
享上賓。禱留數月。會元遣薛句立于沙漠。遣使侍郎脫
至雲南。覘梁王中貳。欲迎殺我。使以固其意。梁王持兩可。

不決。匿禘春登揚氏家。脫之。聞之。蓋銷責梁王。不得已。出禘脫。欲屈禘。不屈。罵曰。燭火餘燼。尚欲何為。既梁王大兵旦夕無梁矣。傍有向脫。為禘辭者。脫曰。此雖允聖義。不能止也。竟被害。司徒達里麻等燬而火之。莫寔共。或曰。瘞地藏寺北。時六年十一月也。著有華川前後集。玉堂禘著續東萊大事記。子紳字仲縉。父死時甫十三。明怡。泛經史百家。能文章。事母何盡孝。及卒。哀毀踰禮。時蜀王能下士。奉幣。延以為客。紳痛父死。變徽。欲求遺骸。王憫之。給糗以行。過覓不可得。作淇陽慟哭記。以志感。建文中薦為國子博士。預修高皇寔錄。獻大明鏡歌。鼓吹四十

二章與方太史孝孺友善。嘗從容勸著書以淑來學。孝孺不應。紳悟。遂畧文藝。潛心道德。尋以久節死。上聞。詔贈禮翰林學士。奉議大夫。謚文節。開國以來。文臣有謚。自福始。羊除免。正統中。復贈初官。改謚忠文。紳以建文二年卒。有維志齋集十卷行世。子徐。字叔豐。受業孝孺之門。孝孺妻以女。及孝孺死。難。徐周旋其間。又與廖鏞。鄭珣等。至聚寶門外。求遺體歸葬。不得。卒。坐連繫。文皇念徐祖死國。特宥免之。辭疾還金華。讀書青巖之下。從遊者日衆。徐與童景庸書。有云。痛念遜志名蹟。口就湮沒。欲執事。與令兄商確。搜輯其學行。歸潛。生平始末。為家傳行狀。以傳同志。遂輯

方氏遺文。為侯城集。性至孝。初紳痛父沒。每食必斥蕪味。稱一遵遺志。子孫相承。閱百年不變。郡邑交重之。札為鄉賓。分獻先聖廟。矜踈髯帶貌。出必儼然。右別服。所著有青巖稿。聖廟文纂。金華賢達傳。續文章正宗。既卒。門人私謚曰孝莊先生。稱子汝。舉進士。授中書舍人。乞辭疾不仕。和治初。與陳獻章並薦。應召。道卒。

論曰。開國無掉三寸獲北者。吳容工曲譬。不足動乎江側耳。子克振塵而梁王歛容改館。使無北使脫。請讓。他昆明諸績。可不必報也。獨恠請難以沒。子紳孫徐。方孝孺善。生免。伊父贈諡。則刑不及孺。不可引。而追前開國殊。

典。是。無。人。父。亦。自。無。共。父。矣。正。統。中。波。禕。贈。謚。乃。郵。建。
庶。人。為。千。古。莫。及。

吳雲

吳雲字友雲直隸且與人父仲傑。歷元湖南提舉。雲少有文行。仕元翰林待制。洪武元年。魏國達定元都。送至京師。除弘文館較書郎。二年。改渭南縣丞。有惠政。歷官刑部尚書。出為湖廣叅政。八年。坐事被逮。釋之時。元梁王抗雲。南王禘奉使節。死。上固不欲勤兵。復命雲往。會梁王使鐵知縣院等二十餘人使漠北。為我所獲。上欲以恩懷之。令與雲偕行。至沙塘口。鐵知院等謀曰。吾屬奉使不成。中道被執。罪必死。誘雲胡服。辮髮。詐為元使者。令改易制書。共給梁王。覲免罪。雲不從。適梁王亦遣人勅降雲。以死自誓。終不

為。屈。遂。被。害。梁。王。壯。其。節。命。收。骸。骨。送。蜀。給。孤。寺。藏。之。事。
聞。贈。刑。部。尚。書。謚。忠。節。與。王。禕。並。祀。祠。額。為。二。忠。雲。子。敬。
國。子。生。李。充。交。趾。遠。游。知。縣。帝。孫。承。宗。以。郵。官。中。書。舍。人。
論。曰。雲。之。不。從。二。十。人。所。為。是。不。與。共。始。梁。王。也。始。梁。
王。而。有。雲。南。此。二。十。人。者。皆。可。以。上。績。所。為。免。罪。者。正。
在。此。而。雲。胡。獨。見。異。曰。胡。服。辨。髮。誓。不。一。借。且。奉。命。遊。
說。而。出。此。萬。一。不。成。而。先。生。屈。不。為。也。既。不。預。二。十。人。
所。為。梁。王。宜。德。之。乃。遇。雲。大。不。若。王。忠。文。則。梁。王。以。初。
禕。使。不。成。中。疑。寧。一。決。哉。收。其。骸。骨。藏。給。孤。悵。逆。命。恐。
啓。兵。非。真。壯。其。節。也。若。永。樂。七。年。郭。驥。膏。書。翰。鞞。輶。

可汗卒雅失理。頻彰中國威德。卒雅怫欲殺之。蓋抗
不屈死。蓋自委三衛。後驥節不著。曰。與雲等稍有異
也。

許瑗王孫炎王道

王愷子行

章城葉琛為思

誠

許瑗字秉夫樂平人聰明強記元至正中兩以易經舉江浙

鄉解皆第一會試輒不第放浪吳越間時醉每大言自負人

卒未許之也戊戌太祖駐兵婺州瑗以儒服進謁且曰誠

欲掃除僭亂宜擢收英雄切上曰善授博士居帷幄參謀

議以太平邊漢命為總管勵士氣脩城隍撫歸附與于特

花雲拒漢城陷被執罵不屈死之追贈高陽郡侯弘光中

謚忠節瑗時與判官王鼎同難初有祠在府治西並祀

孫炎字伯融句容人面黧黑跛一足持辯風生能為歌詩

元末與丁復夏煜等揮麈驚筵炎更半采相激好立机括

元末與丁復夏煜等揮麈驚筵炎更半采相激好立机括

觸指爛然。雅能飲詩一奩句。拍案浮白大呼。拔劍舞亦以
經濟自負。隨章句生謾罵。孫炎。男子。豈効若槁。死蒿下。太
祖渡江。召見。慨然曰。願明公延攬賢士。以成大業。上悅。辟
行省掾。從征浙東。擢同知池州。尋改池為華陽府。己亥。擢
行首都事。是年。處州初下。其治盜賊尚。憑結不解。上才炎。
以都事往。總制處州。許便宜。付省符。未署者。聽辟任。一切
不從中覆。炎。匹馬入城。上寔未嘗與一兵。但以。古。安。反。
側。進百姓廷論之。曰。天命有歸。元不懜矣。汝度朝廷舉動。
即何如。諸盜名字者。若戲兵溝中。何益。告若。遵化有後福。
毋自蹈。齏粉時。以故。風。辯。出。之。果。若。人。聽。衆。叩。頭。謝。轉。相。

告語復以檄隨之。率校及去，乃復籍諸好動者，練為兵。紀律嚴明，用脩不虞。於是奸吏強旄，素驕蹇，咸束手歛戢。時才俊士多伏山谷，悉以書招致。劉基葉琛、章溢皆知名，而基為最。負氣與炎類，自以不當出炎下，使者再往，迄不起。基尋以寶劍遺炎，謂劍當以獻之天子，削不平封還之。草數千言投基，文詞甚美。基不答。久之，基往謁炎，飲酒酣，炎論古今成敗之事，如傾峽。基乃深引服謝曰：「基自以豚公，當今基何敢望公。」炎遂奉命還禮。基詣都，至正壬寅，降苗叛，殺守將耿再成，而炎亦被擒，出空室脅炎。炎始猶紹之，賊覘非本情，燔燭斗酒，噉炎曰：「以此與公。」炎怡然投劍。

割鴈舉危酒仰天曰嗟乎我乃盡此鼠輩賊持刀睨炎炎
飲酒自如復叱解衣怒目曰此紫衣上賜吾常服以北
面引枕而卧賊義之不忍伺其睡乃害之事聞追封丹陽
縣男妻王為賊擒亦不屈死炎事親孝與人友緩急可倚
門人蔣敏次其詩傳世弘光中追謚忠懿時同難為王道同
道同初為中書省宣使陞帳前總管以義烏知縣能擢慶
州知府為賊所逼不屈死追封太原郡侯

王愷字用和營壘人幼有大志通經術聞為府史至正乙
未上渡江召至幕府為掾各決戎事進中書左右司都事
尋胡大海已下蘭谿與愷定議取婺降之己亥克三衢擢

左司郎中、佐將軍大海、總制衢州、勇民事、愷簡民丁、六籍
其一、得兵一萬二千八百人、斥度地、得田五萬七千畝、給
兵七種、兵食俱足、會常遇春屯兵金華、其部將或擾民、愷
械而捷、諸市遇春使人讓愷、報曰、將軍天子股肱、越一部
將而民安、計將軍兩樂、聞矣、過春為改容謝、擒開化江山
諸叛、出粟賑貸、興學校、士民悅服、往來李平章文忠、多用
其策、漢寇龍江、上詔嚴陵師、葛俊、擣廣信、爭制之、愷謂俊
非大將、統全師、往不可、俊請胡大海行、廣信乃潰、辛丑、分
省於婺、控浙東、大海專治軍旅、以民事悉委愷、時力役無
藝、乃核故田額、糧多者為里正、寡者副之、合計約一斗、役

一日賤貴無苗免胥捐屏息網紀肅然壬寅苗軍亂胡將軍被害擁懼而西愷正色叱以大義賊渠劉震等不即後曰之別室愷罵愈厲賊黨胡得真素與愷隙曰無自貽患乃見殺并殺其子行初變作人勸行走行曰豈有棄父求生之子哉及掾史章城俱及難追封愷當塗縣男愷善謀能斷都事中書時嘗白事未許却立戶外比暮不去上出怪而問之從容諫如初上為允行不長更事以儒術飾業續辭簡而意周喜為詩歌情意爽豁子三長為侍儀次為行同難次升童弘光中追謚愷莊愷業琛字景淵麗水人初仕元為獻丞己又為青田武義二

邑令。所在稱神明。宿奸隱猾。不鉤鉅而得。時禁賢三等作
亂。從石抹宜孫。為畫策。捕斬之。時又詣坑洞。渠魁竊發。行
省承制授琛元帥。守桃花寨。太祖下處州。琛謂其下曰。金
陵兵有紀律。且氣候精明。必成大事。時與宋濂等並微。而
琛以吏材見知。與章溢同授營田司僉事。復命佐僉院鄧
愈。知府洪都。至正壬寅。祝康之亂。愈脫走。琛迎戰于市。被
執。不屈。大罵死之。追封高陽郡侯。後其家。魏祀洪都功臣。
廟。上嘗曰。吾南昌諸臣。文失葉琛。武失趙德勝。至今扼腕。是
時都事萬思城。亦與琛同難。弘光中。追謚琛莊敬。
論曰。太平洪都邊漢。衢虞邊吳。是諸卿所以勵後之守。

孫本立曾萬中

朱潛許圭霍輝劉齊
朱叔華趙天麟童曾

孫本立，廬陵人。曾萬中，吉水人。元末俱為土軍元帥。協納
達兒丁守吉安。漢熊天瑞兵至，走納達。萬中與弟粹中及
本立等力屈迎降。天瑞使其僭徐指揮協守。本立等取居
徐下。太祖詣龍興，則潛來納款。遂以本立為江西行省參
政。萬中為都元帥，粹中為行軍指揮，還守吉安。至正癸卯，
天瑞復犯吉安。本立啟走永新。永新破，見殺。大御督朱文
正援兵未至，而吉安陷。漢使饒鼎臣守之。文正沒，取吉安。
鼎臣走，以李明道、曾萬中等守之。明年，明道與萬中隙，間
納鼎臣兵，城復陷。萬中死之。右翼元帥同知朱潛，統軍元

趙德勝

裔孫輔牛海龍程國勝李繼先趙國壯
徐明張德小夏茂成張子明捨命王

趙德勝太祖所賜名也。鍾離人。狀魁偉。馬上運槊如飛。士

辰兵亂為義兵隊長。無所見。西謁元歸德王。怍哥。觀王取

軍無律。不欲留。時太祖駐軍濠陽。傳聞母李在軍中。乃棄

其妻來歸。以為帳前先鋒。遂取鉄佛岡。全椒。浚河。諸寨。元

將脫脫圖六合。禦之中流矢。殆盡。乙未。剽鷓籠山。群盜與

偽將軍韓濤酣戰。直搗烏江。下和州。夜襲陳也先營。復戰

却之。遂取儀真。錄功。授總管府先鋒。從拔采石。下太平。皆

有功。丙申。元將蠻子海牙擁兵采石。斷淮西路也。先營方

以為應。從戰。皆破。走之。下金陵。功最。丁酉。送大將軍達

取鎮江、破猫獠軍水寨、下丹陽金壇、平宣城、轉承信較尉、領軍先鋒、下廣德、大將軍困牛塘、拔出之、縛張士德于毗陵、戊戌、攻湖州、定宜興之叛、擢中翼、左副元帥、庚子、漢重兵犯龍江、德勝守虎口城、最嚴力戰、伏起、友諒敗走、復太平、陞後翼、統兵元帥、辛丑、遂取安慶、象風直遊小孤、抵九江、友諒宵遁、分兵收黃梅、廣濟、克瑞昌、臨江、吉安、諸州、壬寅、降將祝宗、康奉、叛、據南昌、從大將軍遠、復其城、創右肩、定諸縣、授食江南等處、行樞密院事、以兵從都督朱文正、守南昌、臨江、吉撫三城、叛、擊復之、至正癸卯、友諒以重兵六十萬圍南昌、德勝率步卒、開門還戰、手射偽將金指揮

應弦仆。明日敵環城數匝。百攻具。城壞。德勝先諸將截戰。且築城壞沒完。巡城至東門。敵發蹶張弩。中其腰。齋鏃深六七寸。嘆曰。大丈夫幸不死。墮下甚善。即不能待。主上廓清中原。執擊荼毒。追封梁國公。謚武桓。侑享廟庭。肖像功臣廟位第八。子獻代領其衆。德勝沉摯。朗直。諱令一行。旗幟改色。平生未嘗讀古。隨機應變。智畧如神。性薦孝友。有士君子之風。其時先後國勝死者。為左翼元帥副使牛海龍。萬戶程國勝。出圍突戰。中箭死。樞密院判李繼先。出戰被掠死。左副元帥趙國旺。引兵燒賊艦。被追板橋戰死。管軍百戶徐明。有胆力。善備飾。軍中呼為胎裡謊。追射賊墮坑。漢誘

降不屈死。張德山、夜半劫賊舟不克死。夏茂成、巡城中砲死。
張大舍子明、間走金陵求援、還至湖城、被執、友諒官之、萬
戶、令拘城、誘降子明、佯許諾、至城、大呼、援兵旦夕至矣、願
請公守、加給未畢、賊以見賣、攢槊死、先有捨命王、失其名、
出偽請降、緩敵、子明因得間去、漢怒殺之、及漢滅、追封海
龍為隴西郡伯、國勝安之侯、繼先隴西郡侯、國旺天水郡
侯、明合肥縣男、茂成總管、德山千戶、子明初贈武毅將軍、
飛騎尉千戶、加封忠節侯、皆廟祀南昌、合十四人、武桓子
敵、歷都指揮同知、以父故、世襲清浪衛指揮、武桓兄弟六
人、兄均祥、先卒、弟鑑、指揮金事、端、況、毅、剛、果、屢從征伐、積

功歷興化衛指揮僉事。端子麟，廣東都指揮同知。幼弟裕，興化衛正千戶。麟子奉，未樂中襲邳州衛指揮使，督造海舟，運神木營宮殿，以才稱。四邑出塞，皆有功。宣德中，從征漢庶人。陞都指揮僉事，卒。官子輔嗣。正統十四年，輔以都指揮練兵禦國，有功。充叅政，出居庸，守懷來。天順中，陞都督同知。成化元年，總兵征兩廣蠻，俘斬二萬餘。明年，封武靖侯，食祿千二百石。又明年，征建州夷，俘斬千八。四年，論功。子流侯，券輔。流侯乞世伯，子仰世。券二十二年，卒。贈容國公，謚恭肅。

論曰：趙武極以死存南昌，為平副使十四人領神運等

韓成

丁普郎張志雄及
宋貴等三十五人

韓成在隸虹縣人有勇畧壬辰從太祖舉義克泗及滁授鎮撫守禦渡江拔太平克金陵鎮江等處陞元帥守金壇從攻常州敗援兵解牛塘圍遂取揚州從下婺州浚池陽戰龍江擣江州下南昌皆有功陞帳前總制親兵左都指揮使侍帷幄從援安豐攻廬州至正癸卯鄱陽之戰成以小舸翼上舟反統於後兵不相及遂死之或云代死馬家渡贈高陽郡侯廟祀南昌追謚忠壯子觀字彥賓以舍人帶刀侍衛父沒命為桂林指揮僉事世襲陞都指揮使觀為人刻忍赴鎮廣西有儒生出迎以為賊間悉推出斬之

諸蠻聞風靡落。台遂陞都督同知。再副楊文征五開。來樂
中。以舊臣拜征南將軍。鎮江西數月。復鎮廣西。從征交趾。
有功。鎮交趾十二年。卒。賜祭。博而成。同死。鄱陽之戰者。又
三十二人。丁普郎。初仕陳友諒。守小孤山。太祖兵促江州。
普郎迎降。積功授行樞密院同知。鄱陽之戰。身被十餘創。
首落。猶執兵。若戰狀。植之舟中。不仆。贈濟陽郡侯。追謚武
節。張志雄。巢人。故趙普勝部將。善戰。常怨友諒殺普勝。故
龍灣之戰。無鬪志。率其黨來降。友諒既大敗走。志雄言於
上。請急徇安慶。無備。卒取安慶。鄱陽之戰。志雄所乘舟檣
折。不得進退。敵以數舟攢刺之。志雄窘。自到。贈清江侯。來

貴京北侯、陳北先、穎上侯、李信、隴西侯、王勝、太原侯、李志、高、隴西侯、昌文貴、汝南侯、余曩、下邳侯、徐公輔、東海侯、劉義、彭城侯、陳弼、潁川侯、王咬住、太原伯、姜潤、定遠子、王鳳、顯羅山子、郟明、梁縣子、常維德、懷遠子、王德、合肥子、朱鼎、合肥子、王清、疇始子、王善先、定遠子、江澤、廬江子、丁宇、含山子、遼德山、汝陽子、羅世榮、隨縣子、陳冲、巢縣子、裴軫、定遠子、常德勝、壽春男、鄭勇興、隨縣男、袁華、虹縣男、史德勝、定遠男、王理、五河男、王仁、舒城男、曹信、含山男、皆立廟康郎山。今有司以時致祭。

論曰、太祖嘗云、在鄱陽時、如雷臨首、此三十五人者、疾

于光孫興祖

平定龐禮孫虎

曾良臣

周顯左榮

張漢英

于光字大用、都昌人、磊落有大志、天完初起、其將張福、夏

彰、據湖口、而元將王旦、入據鄱陽、都昌當其衝、互受摧掠、

光集鄉兵自固、乙未、天完下鄱陽、于是都昌亦不守、賊搜

得光、以為元帥、鎮鄱陽、駐饒州、嗣陳友諒弒天完、壽輝自

立、光誓不肯北面、友諒遂與左丞徐椿、以饒州來歸、太祖

命鄧愈鎮之、與光連營堵守、輒敗、漢友諒兵去、投江西、恭

政與愈同視、即惡聽、大都督文正蒞制、尋以行樞密院判

官、成徽州、上賜冠衣、訖復解、命連環、束光、光疏謝、誓報國、

自是拔杭州、戰鄱湖、克武昌、皆在行、有功、轉指揮、同知、從

平吳進階懷遠將軍北征下山東入汴梁佐郭興守潼關
戰元左丞舞戈橫貫其陣并拔潞州復同成鞏昌屢戰王
保保走之洪武二年保保知大軍南還以重兵圍安定州
先自鞏昌將兵往援次馬關灘敵猝至腹背困被執時蘭
州亦破圍守將張溫堅壁不戰保保遂勸光至城下諭溫
降光諾則大呼曰我不幸被執公等堅守大將軍遠五十
萬至矣賊怒拔其頰攢槊死城中聞之守益固保保攻不
利引去上聞之流涕曰于光不食言賜祭鷄鳴山光氣格
條整幼讀書知大義善鼓琴能詩雅健可觀兼通醫學望
之翩翩佳士及持戟上馬意思壯往所向無前卒得死所

孫興祖字世安、濠人、初從和陽、無所見、渡江、屢排敵、有功、
遷指揮使、鎮海陵、敵不敢犯境、陞大都督府副使、移鎮彭
城、及大將軍達取元都、建燕山六衛、命顯成守紀律嚴肅、
洪武三年、北伐、與指揮平定龐禔等次三不剌川、遇胡兵、
殊死戰、出入震盪、斬獲近萬人、援兵不繼、皆歿於五郎口、
贈典祖燕山侯、配享通州關平王祠、謚忠愍、同時別道死
者、為孫虎、虎壽州人、以婺源嚴州諸暨功、授十戶克新城、
取桐廬、皆先登、陞海寧衛指揮副使、調福建、及還、從左副
將軍文忠征沙漠、至落馬河、與元太尉賈驢力戰、死之、追
封樂安郡伯、

曹良臣、安豐人。初聚鄉里立堡以禦侮。至正壬寅上駐金陵。未歸命為行省參政。從征廣州。戰鄱陽有功。下淮來平。浙西。陞行省左丞。徙定山東河南。進平元都。陞行省平章。奉命守通州。元丞相也速魯訶壓營。時大將軍達都魯悉柱山西。兵不滿千。諸將懼不敢戰。良臣奮起拔劍曰。彼亡國之餘。必怯戰。不足畏。密遣人沿河各樹赤幟。棗三十餘里。鉦鼓震之。商果駭去。躡薊州。斬獲而還。洪武元年。後守通州。再從大將軍敗王保保。封宣寧侯。祿九百石。四年。征蜀克歸州。瞿塘功。五年。從李將軍征沙漠。嶺東道。兵出和林。深入至阿魯渾河。及其裨將周顯左蒙張耀章存道等。

皆戰歿。贈良臣安國公。謚忠壯。子恭。襲爵。顯。合肥人。歷功
為指揮使。後追封汝南郡伯。子巖。指揮使。是時從副將軍
湯和中路出塞。戰斃。頭山陷。陣死。贈都督同知。

濮英。廬州人。少勇敢。開國累功。陞都督僉事。洪武十三年。
襲蘭西涼。破之。獲元平章燕王以下數千人。復獲阿者失
里王之母妻。斬部下納哈撒等八十餘人。二十年。從馮將
軍勝。降細哈出於金山。以十萬騎南行。英為戲。其潰衆匿
山谷者。怒大將軍之奪其馬。出邀英。英馬踣。被執。至其廬。
絕食不言。乘間自剖腹死。詔贈金山侯。謚忠襄。明年。贈樂
浪公。時有臨江侯陳鏞。從征異道。陷。英子瑛。即極柝。

封西涼侯。食祿二千五百石。璠年幼。趨朝。被踣傷。命懸。王
字。牌。璠。別。勳。人。遜。避。稍。長。練。兵。臨。清。二。十。六。年。坐。黨。成。五
開。生。子。真。女。適。寧。河。王。子。鏞。永。樂。元。年。鏞。為。璠。子。陳。情。赦
真。賜。鏞。為。子。得。官。指。揮。

論曰。皆。裂。寒。外。者。也。而。先。於。蘭。州。比。張。子。明。之。義。興。祖
於。五。郎。口。附。常。開。平。之。蹟。英。於。金。山。收。馮。宗。異。之。功。氣
猶。寒。暮。北。矣。若。虎。之。落。馮。河。存。道。之。斷。頭。山。地。名。識。之
次。

葛誠 盧振社奇余 湯宗侃諒

葛誠為燕王長史奉王命奏事京師告王陰事受家命伺燕及王稱疾圍火署中潛告布政使張昺王無病也昺不為備及燕兵起伴讀余逢辰字彥章宣城人遺書戒其子必死入涕泣以諫而文學社奇者燕所舉賢良方正亦勸王當守臣節勿二王不聽台指揮張玉等計殺昺等起攻九門夜克其八護衛指揮盧振獨不從亂誠密命事露與逢辰奇振皆一時遇害都指揮彭貳者聞變挺槊上馬大呼市中燕王反後我得生袞聚千餘人欲入端禮門遇燕健卒龐來興丁勝格殺貳衆散從燕弘光初追贈誠大

理少卿、謚果愨、逢辰苑馬少卿、謚忠愨、奇翰林院檢討、謚
貞直、貳舒城伯、謚武壯、振都督同知、

湯宗、江西贛州人、為北平按察司僉事、上言北平按察使
陳瑛、竊受王府金錢、有異謀、詔逮瑛、謫廣西、燕王入國、召
瑛還、為都御史、窮治建文諸臣、多坐夷滅、叩宗尤甚、捕至、
族死、

倪諒、燕山左衛千戶、上變告燕府官、較于諒、周驛等、伏誅、
燕王入國、捕諒、不屈、死、籍其家、北者戍瘴邊、南者刺隸、間
親王、子、于、面、充錦衣、鞍轡局、幼軍、弘光初、進、贈都指揮、
論曰、皆與聞燕始事者也、廟算不工、而葛識以下、七人、

成名誠為長史。非與伴讀逢辰文學奇等一例。居平懷以誠懇。持以道義。塞其非幾。即吾涕泣以之。為之審順。逆陳得失。燕或重裝。乃徒欲告變為功。引逢辰奇以苦口進。居然輔弼之職矣。及事發。振不從。亂而貳叔與僧呼。虞護衛。而以不護衛為功。是袒劑給以私人。而私燕者以公。效寔烟大義。瑛徒擊刺。豈遂能造燕湯。復事亦慮以告變為功。哉。雖然。以陰事聞。固有不得不然者。而朝廷胡輒以伺變責誠。机淺甚矣。金錢有迹。能按瑛則可。不然。不期其罪。而他遷瑛。無不可。瑛非所以防燕也。瑛燕也。

陳壽國周迪陳德李玉

陳壽國、國初以智勇、隸徐大將軍達、歷官指揮僉事、從征中原、克閩隴、守原州、洪武元年、故元韓札兒南犯、力竭城破、死之。

周迪、國初、從取江西湖廣功、授百戶、從征廣西、圍永州、故元援兵駐東鄉、將軍楊璟遣鎮撫召深及迪往擊之、迪戰死、追封賜祭。

陳德國、初以功、歷指揮僉事、洪武二年、大將軍達自將攻興元、分左副將軍鄧愈、招諭土蕃、德隨愈戰、死于岷州。李玉、國初為雷州百戶、洪武二十四年、禦倭戰死、詔錄其

子為千戶

論曰、洪武中陳政之光聞者皆預知天之例。而不是贈官。豈有所遺歟。抑失改也。

夫外此雖有... 洪武中陳政之光聞者皆預知天之例。而不是贈官。豈有所遺歟。抑失改也。

梅殷无刺灰李堅胡觀

黃彥清

梅殷河南歸德人汝南侯思祖從子也尚寧國公主為駙
馬都尉恭謹有謀能騎射高皇帝駙馬中最愛殷且大漸
傾太孫燕王不可忽也徐謂殷曰汝老成忠信可托幼主
授一劍曰敢有違命者奉此及太孫即帝位殷常侍左右
燕兵起殷充總兵官守淮上扼燕師燕王遺殷書以進香
皇考欲假道至金陵殷曰非制也弗許燕王怒復書且誅
君側之惡殷劾使者耳鼻曰姑留汝只與殿下言君父恩
義燕王竟不道淮安渡泗水破盱眙出六合有京師幾尚
擁重兵淮上王逼公主招殷公主嚙指血為書付中使致

殷殷得書慟哭詢帝所在曰去矣殷曰君存與存君亡與亡吾姑忍俟之乃還京見上上曰都尉在軍勞苦殷正色曰勞而無功大報事上脚之末樂二年都御史陳瑛言殷招藏亡命八十餘私匿韃靼人與女秀才劉氏朋邪詛呪乞正其罪上曰務殷朕自處之其令錦衣衛執所匿韃靼人送遼東明年冬殷入朝都督譚深指揮趙曦故與殷隙令人擠斃死筵橋下誣殷自投水死都督許成訐發上怒置深曦罪二人對曰此上命也奈何殺臣上大怒立命力士持金瓜落二人齒斬之謚殷榮定時有色目瓦剌灰持刀自屠取其腸以祭殷復自縊殷旁初公主貽書阻燕

兵。燕王不答。燕兵至江上，亦與公主書，言與兵不得已。今
公主遷居太平門外，勿雅兵禍。公主亦不答。公主、高皇后
長女也。殷既死，公主牽文皇衣大哭。周駘馬安，在上笑曰：
為公主踪跡賊，燕自苦。遂以殷子順昌為中府都督。景福
旗手衛指揮僉事。且曰：朕不念爾母，爾安得至今日。後皆
改孝陵衛指揮使。宣德中，與世襲孫純舉進士，為中都副
留守。殷有文學，嘗攝山東學政。而李曹公嘗掌國子諭者，
以國初皆文武材云。有國子博士黃彥清者，從殷軍中發
喪。私謚讓皇為孝愍皇帝。噉死，并達從子貴池、典史金蘭
尋得釋。弘光初，追贈彥清光祿少卿。

李堅者亦駙馬都衛武涉人父英仕元為樞密知院洪武
 元年自陝州來降授指揮僉事從征歷功戰死烏撒之作
 富巖贈指揮使堅尚太祖第七女大長公主嘗與駙馬歐
 陽倫梅殷陸賢典賑北平建文中進公主大長公主堅素
 負才勇克左副將軍都督箬忠克右副將軍從長興侯炳
 文征燕遇燕兵諸將謹備西北燕兵突擊出不意破西南
 長興侯大敗堅與燕將丘福接戰互有勝負詔封灤城侯
 食祿千五百石世券已而兵敗浮沱河薛祿引渠中堅墜
 墜馬大呼我李駙馬勿殺祿持堅見燕王王曰爾至觀即
 為此奈何械送北平道卒子莊以公主故特宥當嗣公主

懼禍。繳詰券莊。流寓南京。詩酒終其身。

胡觀為駙馬都尉。尚太祖第十公主。從軍中。白溝之敗。為燕兵所殺。

論曰。太祖二十六子。寧谷戴茲。十六女。梅李胡抗燕。而殷之才。過于堅。殷之義。亦烈于堅。顧皆不賴寧國大名。求生者。白溝之事。惜之紀載不詳。太祖嘗語皇太孫。燕王不可忽。思深哉。教之矣。

黃子澄

任楊

黃子澄，初名澧，以字行，改字伯淵。江西分宜人。先世嘉、宋靖康初，為太學生。從陳東伏闕上書，請誅蔡京，後擢開封府尹。王時雍奸邪，坐降。蘄州司法參軍。子澄少從邑人歐陽貞受易，周與學，受尚書、梁、宣、受春秋、博學。負俊聲。洪武十七年，鄉試第二。明年，禮部第一，揭榜。五色雲見。廷試第三，授編修。累官至太常寺卿。建文為太孫時，嘗密启東角門，諭以諸王尊屬，擁重兵，且奈何。子澄曰：「毋慮大小強弱之勢，懸而順逆之理，吳勝敗可知也。」及即位，燕翰林院學士。上曰：「先生無忘東角門之言。」子澄頓首曰：「不敢。」遂與齊泰

等密議、削奪諸王兵權、秦欲先燕、子澄曰、燕素強、未易跡、周齊以代、在太祖時、每以不法見督、吾先緣周、以事周、燕毋弟、譬手足、剪其一、且先周、燕必來爭、可以并坐、燕有名、秦曰善、時燕世子及兩郡王、俱至京、秦欲先收之、子澄不可、曰是與以反名、不如遣歸、乃白上、使李景隆襲執周王、捕歸京師、勅燕王、謀議其罪、王上書言周王所為、形跡曖昧、幸念至親、曲垂寬宥、上覽之、惻然謂事且中、此子澄與秦爭之、未決、明日復言之、周已不競、可慮者獨一燕、下燕大事定矣、否者、燕威名日盛、蔓難圖也、上猶豫、且曰朕在位未久、連敗數王、何以自解于天下、燕亦疑、稱病不出

子澄曰。成大事者。不顧小信。先人者制人。上曰。燕知勇善
用兵。雖病狎。難圖。宜更審之。乃以備邊為名。出兵開平諸
鎮。及更置北平守臣。伺燕府事。日急。燕兵遂起。自以周公
輔成王。指摘中朝左右。及耿炳文諸將相。繼敗北。上始憂
之。召問子澄。子澄猶以辦燕甚易薦李景隆代為大將軍。
臨行惓惓。授以兵畧。景隆庸懦不任。既戰。輒敗。棄其師還。
赦。不誅。子澄哭爭之。曰。景隆觀望。懷二心。不誅。何以勵士
卒。謝祖宗不聽。自是江淮諸將連敗。子澄拊膺慟。曰。事去
矣。錯薦景隆。悞國萬死不足贖。燕兵至淮。朝廷名遜。子澄
春等。使密行募兵。而以竄齊黃告燕。冀緩師。不得。更遣少

卿薛巖求罷兵，又不許。子澄乃奉密詔，携妻子微服由洞
庭詣蘇州知府姚善，倡義勤王。善乃編籍其子崑山、珪為
道士，更名玄微，守譜籍。王為里正，更名彥修，奉毋許與子
澄相約，同死國事。尋又上言：子澄才畧足，擇國難，不宜屏
棄閒遠，以快敵人。方亟，召子澄未至，而燕王入金川，遽即
位。購子澄急，太倉武士湯華縛詣京師，不屈。稱殿下以兵
加取富貴，宜知殿下忍竟有此座。上解顏曰：聞卿博洽善
讀書，不比方孝孺執迷。朕將悉赦，若罪子澄曰：富貴瞬息
事何足重。輕殿下即悖，謬不化。吾恐子孫效死而赴，何以為
訓。上色變，已又曰：汝欲借兵日本，我抗乎。曰：皇祖起義兵。

定天下。以殿下勇力。別世與典。兵大藩。未衛王室。而北翟
胡塵不能靖。願反自噬。臣引小彘。內攻。與殿下之逆謀。何
異。上令引所錄族屬文富福遠等六十五人。妻族外觀。三
百八十人。齊至。哀號震殿廷。澄不變。上曰。知汝必不我用。
給筆札。自供。乃大書曰。混本先帝文臣。不職。諫削藩。叔不
早以成。此亮。殘後嗣。慎不足法。燕王怒。命截其手。且曰。汝
雖不入。鳥彘足跡已至海上。復命截其足。磔。死。年五十三。
族人無長幼。籍江西者。皆斬。獨子彥修。作崑山語。乞解役。
潛收骸骨。藏焦山。以之。漢王高煦謀逆。王乃追思子澄之
言。削漢護衛。徙居樂安州。謂侍臣曰。卿等謀國。勿以黃子

澄臨刑語為諱。洪熙元年七月，得塋崑之馬鞍山。御史劉
璉為立傳而銘之。萬曆初，其孫黃熊與蔣乾同以上冢于
地。致訟，忽地中声如雷，化青氣冲西北去。裂溝得劄，御史
建志驗寔。上聞，因封墓立祠。及攷永樂初，舉廢革除之黨
者，亦曰蔣乾。易世為仇人，皆異之子。澄又有幼子二，或云
一子為商人携去，易姓名為田經。遇赦，家湖廣。後復姓黃
表者，字汝明。中正德辛巳進士。弘光初，追贈子澄禮部尚
書。謚節愍。時有揚任與子澄同難。任嘉興人，以人才擢知
袁州府。方家居，與子澄密計戡定。事敗，籍家九十三人。知
縣徐本，縱其妾沈，得遺腹子宏。五世淵，有幸存圖。藏子家。

弘光初追贈太僕少卿

論曰。吾憮然念伯巨分封太侈之言矣。齊黃自視何如。伊霍輒兒。子畜北平哉。為此時計。朝廷兢。上下相戒。練兵塞隘。靜以待動。使無可為兵端。而老佛春秋盛長。高煦勢將內亂。迨巡燕。或不起。即起不烈。儒者據理。言兵定。隔數指。授老。情以不勝之器。臨計不反。願之敵。即豈有。幸乎。春為樞臣。子澄並參密議。恭不爭炳文。而子澄乃力薦景隆。二公即以族償吾。不此。矢願其所學。不精而志無疵也。東角門之言不足存。而効石一語。使燕王他日却慮。宣廟初果見之。吾不得不存之以警後世之訕。

謀者。按黃表傳子澄族姪子澄妻彭氏。齊卒。後妻李氏。懷
炸三月。懸於市。宗黨女婦。殺教坊司。供子澄牌位。天
風吹。失更供之。甞即失。知子澄神毒教坊也。或云西院
鄭氏。世不接小宜之客。

黃觀魁

黃觀字瀾伯，一字尚賓，直隸貴池人。初從父贅許，幼穎敏，受學元待制黃暉，暉死節，觀益砥礪。該博有聲，性至孝，嘗圖父母墓，圖自隨。閱之輒泣。貢洪武甲子，入太學，是歲，領鄉薦第二。辛未，會試第一。及廷對，禦戎策稱首，入擢第一。拜修撰，命編寫省貪等錄。侍東宮講論，累遷尚寶卿，禮部侍郎。復姓。建文初，更官制，每部增侍中一員，位次尚書，命觀為之。仍掌尚寶司事。與方齊並見信用。燕兵起，索齊黃急，觀卑語極其詆諆。四年，密奉詔募兵上游。且督諸郡勤王。燕王得國，列文職，姦臣罪狀。觀名第六。王索大寶，不得。

疑付觀。起兵矣。索觀急。觀至安慶。聞變。嘆曰。吾妻翁。有志節。必不辱我。當推免葬之。明日家人至。言夫人墮。一如同被執。果有象。妖得之。夫人紹以釵釧。出市酒。為攜。一如及家屬十人。投通濟橋下死。觀曰。括竟時。應不錯也。至李陽河。朝使見。迎知不可為。給曰。入賀新朝。禮當豫習。朝服束向。再拜。投羅刺。機滿流中。急求之。僅得觀冠。繫以敵命。束芻蒙觀。冠而剝于市。年三十有九。速姻黨百餘人。繫獄仁廟。初悉放還。友人柯暹為之傳。是後清溪居民。時見觀冠裳。夜携二。三女。即往來溪畔。為駭嘆立祠。其文集尚存。泰州儲尚書家。天順中。池人至南京柳林。有破棺倚頽垣下。詢

之父老成曰。此黃狀元妻女。初蓋授水時。三人執手如貫。流至蹇工橋。土人俱有後命。且擗以待。後亦不問。萬曆癸卯。青陽施益臣。為封樹立墓焉。夫人授水時。嘔血通濟橋后上。后成小影。陰雨則見之。或傳為大士影。有僧昇至其巷中。夜見夢曰。我黃夫人勿誤。沃以清泉。懷容宛然。側立東向。髻髻鬢髮。鬢人咸異之。清江龔守迂。知貴池。復于學宮西偏。即其故址。立祠祀觀。而少司空徐良彥。移前石置祠。題曰翁夫人血影石。時有吉安黃魁為禮部侍郎。亦不屈死。附觀祠。連族六十二人。弘光初。追贈觀太子太保。謚文貞。妻翁氏貞懿夫人。

論曰。大書燕起兵。即皇帝位。即何以解其子高煦。將亦
大書曰。漢王高煦起兵。予明書太祖即皇帝位。是矣。乃
有不書太子而即位者。何以為天下公。是即何以為萬
世公。是乎。正其是。而後遜國諸臣。滅姓鏹族。不悔曰。死
得其所。而後靖難諸臣。顯爵厚祿。不悔曰。生得其所。持
葉惠仲、廖昇。皆以修突錄辭徑直。烈死。吾以三公克違
南史負簡之義。

平書書。燕王高煦起兵。即皇帝位。即何以解其子高煦。將亦
大書曰。漢王高煦起兵。予明書太祖即皇帝位。是矣。乃
有不書太子而即位者。何以為天下公。是即何以為萬
世公。是乎。正其是。而後遜國諸臣。滅姓鏹族。不悔曰。死
得其所。而後靖難諸臣。顯爵厚祿。不悔曰。生得其所。持
葉惠仲、廖昇。皆以修突錄辭徑直。烈死。吾以三公克違
南史負簡之義。

瞿能 楚智皂旗張莊
得小馬王衛健

瞿能字世貞直隸合肥人。驍勇有名。開國都督僉事通其父也。能以四川都指揮使從涼國公玉由大渡河擊西番有功。後徙都督聶緯討建昌叛酋月魯帖木兒。已而改副涼國公。破賊雙狼寨。讓皇即位。從李景隆為裨將攻北平。能勢銳與其子良材等策精騎千餘入彰義門。景隆忌能首功。遽止之。候大軍並進。于是北平夜汲水沃城。城堅不得上。景隆兵大敗。退駐白溝河。北軍南侵。能父子相擊傷。燕卒甚衆。燕軍已却。會燕有內官狗兒者亦敢死。與王復率數萬騎夾攻。能據都指揮何清。而日已暝。明晨復

戰。燕王先以七騎馳能，且進且退，能令軍中縱射。燕王馬
三被創，則三易馬。顧矢三服亦盡，乃持劍奮擊，劍亦缺折。
急走登陘，佯招後軍以疑能，能攻稍緩。王走去，薄暮，能即
奮鐵騎前突燕陣，大呼斬騎百餘人。而俞通淵聚眾，復引
眾來會，勢益振。燕眾且亂，忽旋風起，燕王見能陣少動，乃
以勁騎遠出陣後，突擊與罷王高祖騎兵合，遂斬能父子。
于陣通淵聚皆死，精兵萬餘人陷沒。夾河之戰，有都指揮
楚智，最驍，常從宋國勝。涼國王出塞有功，會平燕將軍盛
庸戰却，被執不屈死之。皂旗張者，名能，時以都指揮克偏
將，力挽千斤，每戰輒麾皂旗先登，轉戰山東，屢有俘讖，夾

河力戰。死猶執皂旗。不仆。而莊得者。從夾河。才擊殺燕將。譚淵。燕為氣沮。得初嘗出塞有功。隸宋忠麾下。懷來之戰。一軍獨全。又小馬王失其名。臨淮人。官指揮。好騎小馬。軍中以小馬稱之。白溝之戰。脫胄。付其僕。曰。吾必赴敵。死。若以此計家。及戰。敗。立兩豎旗而死。又衛捷。係山西孝義衛軍。投鎮撫。戰不勝。死。弘光初。追贈能平陽伯。謚褒烈。皂旗。淳安伯。謚英烈。得贈分水伯。謚忠愍。智左都督。小馬王都督。同知。

論曰。李將軍白溝之後。唯恃能父子耳。觀王度督捷東昌。景隆已謝事。尚或諛之。則其突彰義而見忌。所必然也。沃

水不成。旋風不起。能功成。賀誰戰。勝乎。景隆不授楊。本曰
譬種瓜。我勞而人食之。愚亦甚矣。懼合肥父子為建文
中一戰。三鎮撫戰。致猶之戰也。

馬宣

魯濟余瑱孫泰卜萬

臘

馬宣建文初為北平都指揮使燕兵起卷戰不利走薊州
悉發兵西逆還與鎮撫魯濟嬰城守燕王使人反覆諭之
不奪力竭城破被執與濟俱罵不絕口死弘光中追贈全
椒伯謚直壯濟未詳卹典

余瑱建文初以都督守北平燕王猝起不及戰出保居庸
都督宋忠以大兵自開平入援次居庸令瑱守居庸而身
迺壁懷來瑱單圍破亦走懷來燕師疾擊懷來忠先敗瑱
猶堅壁燕兵紿曰石頭城已破瑱曰石頭城雖破吾自不
釋懷來力戰被執不屈死時都指揮孫泰暴血陷陣死都

指揮彭聚亦陣死河北指揮使張倫率兩衛官軍南奔結
盟報國初從大將軍景隆繼從盛庸軍嘗先登卒死義弘
光初追贈瑱東陽伯謚翼翼恭象山伯謚勇愍倫保昌伯
謚貞勇聚左都督

卜萬建文初以都指揮協提兵劉貞陳亨等從大寧出鎮
松亭將援北平貞性與恆不諧而亨有二心萬智勇絕燕
王忌之行反間偽為與萬書稱萬過當而令誤殺亨亨
發之獄萬以聞已而燕陷大寧還擊松亭北平行都司朱
鑑力戰多斬獲陣死松亭竟敗出萬獄勤降不屈死弘光
初追贈鑑舍山伯謚勇愍萬左都督

論曰。蘭州即不守。居庸大寧。寔係北門鎖鑰。而懷來松
亭二戰。宋忠以退。舍法志。劉貞以墮計不終。遂使燕氣
遽張。拊背失勢。俞瑒。十萬之死。盜重。卷心。死。而宣濟等
之殉城。亦稱首義。嗟。廟算不精。大將不知。兵偏裨。必歿
見匪所尚矣。揚松潘忠死。雄縣而外。滄洲之戰。都督徐
凱。陳暹。陳暉。都指揮俞瑒。趙濟。胡原。李英。張傑。德州掠
千戶范獻。溥。沱河之戰。指揮鄧戩。陳鵬。真定之圍。都督
竇忠。都指揮劉燧。朱榮。白溝河之戰。都指揮何清。指揮
滕聚。定州之戰。都指揮花英。鄭琦。王恭。指揮詹忠。渡萊
水。則指揮費榮。拔東平。則指揮詹環。拔汶上。則都指揮

薛鵬戰過河。則胡騎都指揮林帖木兒。大耳灰哈三帖
木兒。晏鬼里。戰淮河。則守將丁良朱彬。敗灵壁。則都指
揮孫成。王貴等一百八十餘人。且夫燕事。不與諸臣。豈
非廟祀世。爰榮施。無敬者哉。